

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pissarsinissamut utaqqisarnerup qaammatinik immikkut aalajangersarneqartunik qaangerneqaqqusaajunnaarnissaa anguniarlugu, Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaanni nr. 16, 3. december 2012-imeersumi § 5-ip allannngortinneqarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Tillie Martinussen, Demokraatit)

Akissuteqaat

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Siullermeerneqarnera

Naalakkersuisut perorsaanikkut inerikkiartuutaasunik neqeroorutit pillugit Inatsisartut aalajangiiffigisassaattut siunnersuummi apeqqut pingaaruteqartoq saqqummiummagu Naalakkersuisut siunnersuuteqartoq qutsaviginiarpaat. Naalakkersuisut anguniagaraat nuna tamakkerlugu ulluunerani neqeroorutit nukittorsarlugillu ineriartortinneqassasut.

Siunnersuuteqartup perorsaanikkut inerikkiartuutaasunik neqeroorutit pillugit inatsimmik paasinnineq manna aallaavigaa, tassalu inatsimmi § 5-imut "killeqartillugu"-mik imaluunniit erseqqissaataasumik ilassuteqarnikkut kommunit inatsimmi § 5-ip eqqortitsinissaannut annerusumik pisussaaffilerneqarnerannik kinguneqassasoq, taamaalilluni aalajangersarneqassalluni kommunit ataasiakkat pisussaaffigigaat qularnaassallugu meeqqanut suli atualinngitsunut tamanut pisariaqartunik amerlassusilinnik ulluunerani neqerooruteqarnissaq.

Naalakkersuisut isumaqarput meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit inatsimmi § 5, imm. 1-ikkut aalajangersarneqareersoq kommunit naammattunik ulluunerani neqerooruteqarnissaq qularnaarinninnissamik pisussaaffeqartut, taamaalillutik utaqqisarnerit pinngitsoortinneqarsinnaallutik. Taamaalilluni inatsisip maannakkut aallaavittut utaqqisarneq qaammatini 0-inut "killeqartippaa".

Utaqqisut pillugit inatsimmi aalajangersagaq taamaattumik "atuutsitsinnginnissamut aalajangersakkatut" isigineqartariaqarpoq, meeqqanik/ilaqutariinnik meerartalinnik illoqarfinnut/nunaqarfinnut ataasiakkaanut naatsorsuutiginnngisamik noorartoqartillugu kommunit piffissap sivikitsup iluani inatsimmi § 5-imik eqqortitsinissaat qulakkeerneqarsinnaanngippat qinnuteqartut pingaarnersiornissaannik tunngavissiisuvoq. Kommunip taamaattoqarnera paasiguniuk, kommunip pisariaqanngitsumik

utaqqititseqqaarnani pisussaaffigaa sapinngisamik inatsisip eqqortinneqarnissaa qulakkeerniassallugu.

Tamanna sumiiffiit ilaanni eqqortinneqarneq ajorpoq, inatsimmilu kommuninut kinguneqartitsinissamut allaqqasoqanngilaq. Kommunit ilaatigut aningaasaqarnikkut periarfissaasa killeqarnerat ilaatigullu sulisut amigarnerat pingaartumik tamatumunnga tunngaviutinneqarsinnaapput.

Kommunini sisamaasuni meeqqat 416-it utaqqisuniittut kisitsisit nutaanerpaat 2015-imeersut takutippaat. Meeqqat 43-t utaqqisuniittut nunaqarfinni najugaqartuupput.

Kommunikkaartumik naatsorsoraanni taava Qeqqata Kommuniani meeqqat 37-t utaqqisuniipput, taakkunannga 34-t illoqarfimmeersuupput pingasullu nunaqarfimmeersuullutik. Kommuneqarfik Sermersuumi meeqqat 150-it utaqqisuniipput, tamarmillu illoqarfimmi najugaqartuullutik. Kommune Kujallermi meeqqat 52-it utaqqisuniipput, taakkunannga 46-t illoqarfimmeersuupput, meeqqallu arfinillit nunaqarfimmeersuullutik. Qaasuitsup Kommuniani meeqqat 177-it utaqqisuniipput, taakkunannga 143-t illoqarfimmeersuupput 34-illu nunaqarfimmeersuullutik.

Sulisussaaleqineq annikillisarniarlugu Perorsaанermik Ilinniarfiup december 2014-imi ulluunerani neqeroorutini ikiortitit najugaq qimannagu ilinniartitaaneq aallartippaa. Naalackersuisut ilinniartitaанermut periusissiaanni aamma meeqqanut suli atualinngitsunut tunngatillugu najugaq qimannagu perorsaанermik sivikinnerusumik ilinniartitaaneq sulisunut ilinniarsimannngitsunut neqerooruteqarnissaq ilaatippaat. Tamatumani pingaartumik nunaqarfinni ulluunerani neqeroorutini sulisut eqqarsaatigineqarput.

IKIIN-ip KANUKOKA Ilinniartitaанermullu Aqutsisoqarfik suleqatigalugit meeqqat suli atualinngitsut pillugit paasissutissanik katersineq aallartissimavaa, tamatumani ullumikkut suliassaqarfimmi sulisorisanik amerlassusiliineq naapertuunnersoq nalilerniarneqarluni.

Sulisorisanik amerlassusiliinerup naliliivigineqarnera 2016-ip ingerlanerani naammassineqassaaq.

Naalackersuisut isumaqarput kommunit pisariaqartitsineq naapertorlugu ulluunerani neqerooruteqartussaанerat maannakkut inatsisini aalajangersarneqareersoq, taamaalilluni pissutsinik taakkuninnga erseqqissaanikkut ajornartorsiutinik tunuliaqutaasunik aaqqiisoqarnaviannngitsoq, taamaattumik siunnersuutip itigartitsissutigineqarnissaa inassutigineqarpoq.